

Ո՞վ է մեղավորը

Շուշիի դեմ-դիմաց, ձորի մեջ հայկական մի գյուղ կա՝ Մխիթարաշեն, որն այնքան մտտ է Շուշիին, որ երբ այնտեղից ազերիները ավտոմատի կրակահերթ են բացում, գնդակները կպչում են գրեթե բոլոր տներին: Մխիթարաշենը փոքր է՝ 52-53 տուն, որոնց մեծ մասը դատարկ են: Տները աշխարհին ընկած բախտ են որոնում...

Դատարկ է նաև դպրոցը, ավերակ են գերեզմանատունն ու եկեղեցին, այս մոռացված գյուղը քչերն են այցելում, չնայած այն գտնվում է Ստեփանակերտին բավականին մոտիկ և հայտնի Խաչին Տափի (թուրքերի հորջորջմամբ՝ Թուփխանայի) կողքին է: Ինձ այդ գյուղը տարավ զարմանքը. Շուշիից փախած մի հայ ընտանիք՝ Ռոբերտ Դանիելյանը և կինը երեք տարի է ապրում են գյուղի ծայրին՝ վրանի տակ:

Ապրիլ ամիսն է: Վրանի շուրջ ծյան անուկի շերտից հետո մայնուշակ է ու կանաչ խոտ, իսկ ներսում ծայրահեղ թշվառություն, որը շափազանց հեռու է հովվերգական լինելուց: Խղճուկ ծածկի տակ տերերը հավաքել են այն ամենը, ինչ հասցրել են փախցնել Շուշիի քնակարանից, ինքնանա ու հեռուստացույց, ընտանեկան այրոճ ու հանդերձապահարան: «Կռզի (չնայած) հողի մեջ ենք ապրում, գոնն թուրքի ձեն չենք լսում», համակերպված խոսում է հիվանդոտ տանտիրուհին, և հիշում է Շուշին, ծնողների սրտամածը, թե ինչպես 1919-ին հարուստ ծնողները եկել են Մխի-

թարաշեն՝ կնքելու երեց քոջը և թե ինչպես մյրտությունից անմիջապես հետո տեսել են իրենց Շուշին՝ բոցերի մեջ: Ու ստիպված երկար տարիներ մնացել են գյուղում՝ հարազատանալով նրան, բայց երբեք չմտանալով, որ Շուշիի հայոց եկեղեցում պահված հայուհիներին ազերիները շարտում էին ձորը՝ Թուփխանայում գնդակահարման համար բերված հայ տղամարդկանց ի տես:

Խաչին Տափում Շուշիի վտանգավոր հարևանությամբ, անհավատալի պայմաններում տարեց մի զույգ է ապրում, որոնց վիճակը, չգիտես ավելի նախընտրելի՞ է թե վտանգավոր, քան փոքր-ինչ վերելում ապրող ընտանիքներինը: Վեց երեխաների հայր, Սուրեն անունով մի մարդ մեքենայով քանդել է հողը, դարձրել ստորգետնյա կացարան, ուր հասուն երեխաների, փեսայի ու թոռների հետ գոյատևում են ծանր կարիքի մեջ:

Խորհրդային մտածելակերպը այնպես է ոչնչացրել մարդասիրությունը, որ հայկական գյուղի 35 դատարկ տներից ոչ մեկը չէր տրամադրվել աշխարհից մերժված այդ ընտանիքներին:

Այդտե՞ղ էլ պրեզիդենտի հրամաններ են պետք: Ձէ, ուղղակի մանրիկ իշխանավորներին շատ ձեռնառու է, որոշ ժամանակ միայն «վերելի» ղեկավարության թիկունքում պահվելը: